

Samkvæmt 26. grein laga nr. 47/1971 skal athugasemdum við þessa friðlýsingu komið á framfæri við Náttúruverndarráð eigi síðar en 8 vikum frá birtingu þessarar auglýsingar.

Fyrir hönd Náttúruverndarráðs,

**Eysteinn Jónsson,**  
formaður.

**Árni Reynisson,**  
framkvæmdastjóri.

12. mars, 1974.

Nr. 186.

## AUGLÝSING

### um friðland á Ingólfshöfða.

Náttúruverndarráð hefur fyrir sitt leyti samþykkt stofnun friðlands á Ingólfshöfða í Austur-Skaftafellssýslu og tjáð ráðuneytinu, að eigendur og réttshafar til þessa lands hafi lýst því yfir, að þeir séu samþykkir friðlýsingunni og muni engar bótakröfur gera vegna hennar.

Ráðuneytið er samþykkt ákvörðun Náttúruverndarráðs og með skírskotun til laga nr. 47/1971, um náttúruvernd, tekur friðlýsing fólkvangsins gildi við birtingu þessarar auglýsingar í Stjórnartíðindum. Reglur um friðlýsingu þessa eru í meðfylgjandi fylgiskjali.

*Í menntamálaráðuneytinu, 12. mars 1974.*

**Magnús T. Ólafsson.**

*Birgir Thorlacius.*

Fylgiskjal.

### Auglýsing frá Náttúruverndarráði um friðland á Ingólfshöfða.

Samkvæmt heimild í 24. gr. laga nr. 47/1971 um náttúruvernd hefur Náttúruverndarráð ákveðið að friðlýsa Ingólfshöfða í Austur-Skaftafellssýslu og er svæðið friðland.

Mörk friðlandsins mynda ferhyrning um línur, sem hugast dregnar í 100 metra fjarlægð út frá ystu klettasnösum höfðans.

Um svæðið gilda þessar reglur:

1. Hefðbundnar nytjar bænda á Hofi og Svínafelli III í Hofshreppi fá að haldast á svæðinu með samkomulagi við Náttúruverndarráð. Sama gildir um hefðbundnar nytjar Hofsness af fjöru vestan höfðans og ósi, sem falla kann um svæðið.
2. Að öðru leyti má þar hvorki skerða gróður, skaða eða trufla dýralíf né gera jarðrask.
3. Mannvirkjum, sem nú eru á höfðanum skal við haldið í samráði við Náttúruverndarráð.
4. Gangandi fólki er heimil för um svæðið í lögmætum tilgangi, en leyfi þarf þar til neturdrvalar. Heimil er för á bestum um höfðann, og slutt áning þar, en óheimilt er að halda þeim þar til beitar. Allur akstur er bannaður í höfðanum án sérstaks leyfis og stranglega er þar bönnuð meðferð skotvopna.

Um viðurlög vegna brota á reglum þessum fer að ákvæðum náttúruverndarlaga.

